



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant

Segneri, Paolo

Dilingæ, 1699

XXVIII. Congregabo super eos mala, & sagittas meas complebo in eis.
Deut. 2. v. 23.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

XXVIII.

Congregabo super eos mala, & sagittas meas complebo in eis.
Deut. 2. v. 23.

1. Considera cuncta hujus mundi mala, quantumvis acerba & dolorifera non mereri omnino nomen mali, quia non sunt pura mala. semper habent aliquam mixturam boni, quod si non compenset, certe mitiget. *Contra malum bonum est.* Eccli. 33. v. 13. In inferno non sic est. ibi mala omnia sunt purissima. unde Deus de damnatis loquens tantâ cum Emphasi dicit hoc loco: *Congregabo super eos mala.* non memorat distinctè venena, lanienas, ustulationes, nec quodvis aliud eorum suppliciorum, quæ Reis in hac terra à tortoribus inferuntur; imaginari tunc posses opposita venenis antidota, laniensis balsama, ustulationibus balnea, aut cuicumque alteri supplicio saltem mortem, quæ & ipsa bonum non leve malis affert, nempe finem. Dicit mala, ut, dum concipis in inferno venena lanienas ustulationes, & quidquid aliud fingi potest doloriferum, in hoc sistas, nec quidquam jungas boni, quia nullum est pro damnatis. *Ecce ego vigilabo super eos in malum, & non in bonum,* ait Dominus Jer. 44. v. 27. *Vigilabit in malum,* quia faciet eos sentire amaritudinem luctus, sed *non in bonum,* quia non patietur eos sentire quidquâ lenitatis. *vigilabit in malum,* quia faciet sentire angustias carceris, sed *non in bonum,* quia non

patietur frui solatio solitudinis. *vigilabit in malum,* quia faciet experiri tenebras noctis, sed *non in bonum,* quia nō permittet etiam experiri silentium, somnum, & vel unius momenti quietem. numquid poterunt illi infelices sperare post aliquot secalorum myriades malorum finem? nec istud quidem, tunc enim super ipsos *vigilaret* Dominus non solum *in malum,* sed & *in bonum,* si eum malorum poneret terminum. Ut puta, & mera sint mala, oportet eam, qui patitur, esse certissimum, ea fore æterna. *Et dixi: perijt finis meus.* Thr. 3. v. 18. æternum luctum, æternam captivitatem, æternas tenebras, æternas feras, æternum ignem, & ante omnia æternam desperationem videndi unquam pulcherrimam Dei faciem, ob quam in hanc lucem sunt editi. *Pœnas dabunt in interitum æternas à facie Domini* 2. Thef. 1. v. 9. & hæc cogitatio te non facit attonitum: cum in terra mali aliquid sentis, solaris te ipsum cogitando; mala si sint gravia, non esse longa si sint longa, non esse gravia. In inferno non habet locum ejus generis solatium, quia ibi nullum est malum grave, quod æternum non sit: non est, nec esse potest malum æternum, quod non sit grave.

R. P. Pauli Segneri *Adanna Anima.*

Yyy yy

2. Cod.

2. Considera quemadmodum mala presentis vite pura non sunt, ita non posse in eodem homine, quantumvis male constituto, simul omnia colligi, sed quasi dispersa per orbem vagantur, ut inveniatur diverforium. qui uni illorum subjacet, non subjacet alteri, maxime cum eorum multa sint invicem contraria, uti sunt calor & frigus, vigilia, & lethargus, vermes & lepra, quæ naturaliter non possunt conjungi ad idem torquendum corpus. at in Inferno hæc ipsa mala omnia invicem opposita Divinâ virtute conspirabunt ad supplicium damnatorum: ideo pariter dicit hęc Dominus: *Congregabo super eos mala: quia mala, quæ super terram sunt divisa, imò & repugnancia, in inferno vocantur à Deo, ut uno quasi fœdere jungantur. Verum est, hoc loco non dicere Dominum, Convocabo, sed Congregabo, ut constet non agi de quacunque simplici conjunctione, sed oneris, & compressionis. Congregare ut bruchus. Nah. 3. v. 15. & quodnam esse malum potest, quod non inveniatur in baratro, in quo Deus per cuncta secula eorum centrum constituit: Locum tormentorum Luc. 16. v. 28. Unicuique, quod ibi restare possit, bonum est ipsum esse. Sed hoc quoque misero vertetur in summum malum, si eò te pettrahi unquam sinas pondere peccatorum, cum longè minus sit malum non esse, quàm esse in tor malis. Quid ages igitur? an curabis ut non sis? sed hoc fieri nequit. Non est illis medicamentum exterminij. Sap. 1. v. 14. necesse est esse, & esse semper malum,*

semper in luctu, semper in captivitate, in potestate futiarum, quocumque habet infernus. hinc dicit Dominus: *Congregabo super eos mala, non contra eos, sed super eos, ut intelligatur totâ aternitate te nunquam fieri posse superiorem malis; semper illis eris inferior: Avellatur de tabernaculo fiducia ejus, & calcet super eum, quod Rex, interitus. Job. 18. v. 4.*

3. Considera, quomodo deum dicat Dominus se completurum in damnatis sagittas suas. *Sagittas meas complebo in eis.* Per sagittas intelligit hoc loco eas maledictiones, quæ comminando continuo fulminat contra impios per os suorum Predicatorum & Prophetarum, cum hi clamant: *Quod si audire nolueris vocem Domini Dei tui, venient super te omnes maledictiones istæ, & apprehendentur, quæ clamabat Moyses Deut. 18. v. 17. Quidam iis territi, ideòque compuncti & contriti, subito se demittunt ad eandem veniam: & tum Deus tollit hanc hujusmodi vim, quam habebat, occidendi peccatoribus, & eas vertit in hostes eorum, hoc est, demones, quos eos seduxerunt ad malum. Cum dicitur: *penitudine cordis tui reversus fuerit ad eum &c. omnes maledictiones hæc convertet super inimicos tuos, & eris, qui oderunt te, & persequuntur.* Deut. 32. v. 7. Alij corde obstinato ejusmodi sagittis non terrentur, imò eas in animo nunc contemnunt, nunc valent quasi vana terri culamenta, dum arrogantem jaçant: *Non veniet super nos malum.* Jer. 5. v. 12. Contra istos ergo*

exclamat hic Dominus, se denique ostensurum, an eas compleat, & compleat simul omnes, plenè, perfectè. *Et sagittas meas complebo in eis.* septem numerantur sagittæ, quas sancti notant fuisse exoneratas in corpore hominis post peccatum, videlicet fames, sitis, calor, frigus, lassitudo, infirmitas, mors. Istæ sunt sagittæ omnibus communes, quotquot in Adamo peccaverunt, ac in terra non sunt sagittæ completæ, defunt pennæ, obtusus est

mucro, & ideo leviter vulnerant, ac in Inferno ô quàm eadem volabunt omnes plenæ vigore ad feriendum omnem impium. *Inebriabo sagittas meas sanguine.* Deut. 32. v. 42. & ideo Dammati sunt, in quibus propriè dicitur Dominus completurus sagittas suas *Complebo in eis*, quia in his omnem nocendi vim illis tribuet. Er tu, dum peccas, nôsti, locum tibi parari adeo horrendum, & tamen peccare pergis, ac si nihil omnino credas?

XXIX.

Qui timet Deum, nihil negligit. Eccl. 7. v. 19.

1. **C**onsidera vocis hujus *negligere* duplicem esse sensum. Incuriam significat, & contemptum, priore sensu usurpavit Apostolus, cum dixit Timotheo 1. 4. 14. *noli negligere gratiam, que data est tibi.* Posteriore Deus est usus per os ejusdem Apostoli, cum dixit: *Quoniam ipsi non permanserunt in testamento meo, & ego neglexi eos, dicit Dominus.* Heb. 8. v. 9. ab hac voce *negligere* usurpatâ priore sensu, quem diximus, latinè derivatur Verbale *Negligentia*, & ab eadem sumptâ posteriore sensu derivatur *Neglectus*. His ita declaratis vocabulis, quæ eundem faciliè percipis, sed confusè tantum, statim intelligis, quid velit affirmare Sapiens, dum ait: *qui timet Dominum, nihil negligit*: hoc est, nihil non curat vel omittit boni quasi superfluum, & nihil negligit vel contemnit mali, tanquam leve. In hoc gemino

quasi cardine salutis nostræ omnis vertitur perfectio Christiana. unde verò nascitur tot hominum ruina etiam irreparabilis: non aliunde, quàm quòd in eo non satis se firment. Cum igitur tanti momenti sint sequelæ, quæ pendent tum ab executione, tum ab omissione tam nobilis documenti, ejus usum intimè penetrare, penitus cognoscere satage.

2. Considera non dicere sapientem: *Qui timet Deum, nihil boni omittit*, quis enim est adeo sanctus, ut non omittat aliquando facere boni quidpiam ultra id quod plerumque præstare solet? dicit: *Nihil boni negligit*, quia si talis sanctus omittat, ex fragilitate vel debilitate omittit, & non turpi illo vitio, quòd Negligentia vocatur. negligentia illorum est propria, qui non modò non exequentur majus bonum, quod facere possent,

Yyy yy 2